

HIERONYMUS.

¹ ASSURE, civitas Judæ, quam ædificavit Salomon.

² ASTAOL, in tribu Juda, & usque hodie villula vocabulo Asto inter Azotum, & Ascalonem permanet.

³ ASTAROTH, antiqua civitas Og regis Basan, in qua habitaverunt Gigantes, quæ postea cecidit in sortem tribus Manasse regionis Bataneæ, & sex milibus ab Adar urbe Arabia separata est. Porro Adar ab Ostra viginti quinque milibus distat.

⁴ ASTAROTH CARNAIM, terra Gigantum quondam in supercilio Sodomorum, quos interfecit Chodorlaomor. Sunt hodieque duo castella in Batanea hoc vocabulo novem inter se milibus separata inter Adaram & Abilam civitates.

⁵ ASTEMEC, in tribu Juda, vicus & ipse Judæorum est in Daroma ad Aquilonem loci Anem.

ATAROTH. Vide Atharoth.

⁶ ATHACH, ad hunc locum misit partem prædæ David.

⁷ ATHALIM, civitas in terra Zabulon: de qua fuit & ille Aialim, qui judicavit populum Israël.

ATHAR, urbs in tribu Simeon, Jos. xix. vs. 7. Fortè eadem cum ATHACH, de qua paulo ante eadem Jos. 15. & hæc appellatur.

E T Ξ E B I O Σ.

Ασσούρ, ἐν τῇ Ἰουδαίᾳ πόλις ἑνὸς τῶν ἀρχόντων, ἣν ἀποδόμησε Σολομὼν.

Ἀσταὼλ, φυλῆς Ἰούδα καὶ ἐστὶ νῦν κώμη Ἀσθὰ καλεμένη, μεταξὺ Ἀζώτῃς καὶ Ἀσκαλῶνος.

Ἀσταρόθ, πόλις ἀρχαία τοῦ ὄντος ἐν ἡ καταφάνον οἱ γίγαντες, ἡ γέγονε φυλῆς Μανασσῆ. παράκειται δὲ ἐν τῇ Βαταναίᾳ. Ἀδραὰ πόλις τῆς Ἀραβίας ὡς ἀπὸ σημείων ἐξ. ἡ δὲ Ἀδραὰ τῆς Βόστρης διέσθηκε σημείοις κέ. κείται δὲ καὶ ἀνωτέρω Ἀσταρόθ Καρναίμ.

Ἀσταρόθ Καρναίμ, χώρα γιγάντων ὑπὲρ τὴν Σοδομίτην, οὗς κατέκοψε Χολλαγόμορ. καὶ εἰσιν εἰς ἑτὶ νῦν δύο κώμαι ἐπὶ τῆς Βαταναίας τῆς καὶ Βατολούας ἀλλήλων διεστώσαι σημείοις β'. μεταξὺ Ἀδραῶν καὶ Ἀβίλης πόλεως.

Ἀνσοεμᾶ, φυλῆς Ἰούδα. κώμη ἐστὶ καὶ αὕτη ἐν τῷ Δαρωμᾷ ἐν ὁρίοις Ἀνεῶν.

EUSEBIUS.

ASSUR, in Judæa civitas unius principum, quam ædificavit Salomon.

ASTHAOL, tribus Juda. Et est nunc vicus qui dicitur Astho inter Azotum & Ascalonem.

ASTAROTH, civitas antiqua Og, in qua habitaverunt Gigantes, quæ fuit tribus Manasse: Porro sita est in Batanæa Adraa, civitas Arabiæ, quasi in sexto milliari (ab Astaroth.) Adraa verò distat Bosstra milliariibus quindecim: sed & superius ponitur Astaroth Carnaim.

ASAROTH CARNAIN, regio Gigantum supra civitatem Sodomorum, quos interfecit Chollagomor. Sunt quoque usque hodie duo castella in Batanæa, quæ & Bataloba (dicitur) alterum ab altero distantia novem milliariibus inter Adaras & Abilam civitates.

ANSOEMA, tribus Juda. Vicus est is in Daroma in finibus Ancon.

N O T A.

1. In versione Septuaginta Interpretum, 3 Reg. 9. v. 15. legimus Assur, pro quo in versione nostra est Hesei, in Hebræo חסר Chasor, sive Asor, quæ urbs à Salomone ædificata, vel potius restaurata videtur fuisse una ex duabus illis in tribu Juda, de quibus supra in Asor; quandoquidem utraque illa multò Salomone esset antiquior, utpote jam tum Josue existens temporibus. BONFRERIUS.

2. Hæc in versione nostra appellatur Estbaol, fuitque primò quidam Judæ tribui attributa, Jos. 15. v. 33. postea tamen eidem avulsâ, & Danitis attributa, Jos. 19. v. 41. Ista Asto inter Azotum & Ascalonem, non potest eadem esse quæ Estbaol, cui infra in Estbaul alius situs assignatur. IDEM.

3. De hac proximè. IDEM.

4. Astaroth Carnaim & Astaroth civitatem Og regis, cujus non semel fit in Scriptura mentio, non diversas, sed easdem esse urbes omnino censo, in Batanæa regione: idque ipsum indicat quod Astaroth-Carnaim esset habitatio Raphaim, seu Gigantum ex Rapha oriundorum, idemque de Og rege Basan, qui regnavit in Astaroth asseratur, Jos. 12. v. 4. & c. 13. v. 12. Fuisse videlicet dereliquis Raphaim. Adde Chodorlahomor & reges socios vastando paulatim à Septemtrione in Austrum processisse, atque adeo primum Raphaim, qui in Batanæa erant regione, deinde Zuzim, qui eam regionem tenebant, quæ postea fuit Ammonitarum, deinde ad Emim, qui eam, quæ postea Moabitarum fuit, occupabant, inde ad Chorræos, qui Idumæam Australem possidebant, processisse, ac tandem vicinos Pentapolitas esse aggressos. Quocirca non satis aptè hic videtur Astaroth Carnaim in supercilio Sodomorum collocari, quod nusquam Scriptura indicat, sed potius, ut ex dictis patet, non obscure insinuat contrarium. Vide quæ de Astaroth, & Astaroth-Carnaim diximus, Gen. 14. v. 5. ubi & nominis rationem investigamus. Pro ab Ostra crediderim legendum à Bosstra; ei tamen obstat, quod Bosstra seu Bosra manifestè hic distinguitur ab Astaroth, quas tamen easdem esse urbes verisimiliter infra in Beesthara colligo. De Adara verò, Adraa vel Adar trans Jordanem in Batanæa nusquam reperio nisi apud Ptolemæum lib. 5. c. 17.

& in tabula quarta Asiæ, ubi Adra vocatur, quæ non procul à Bosstra ponitur, quam non aliam esse puto ab Edrai. IDEM.

5. Hæc illa videtur, quæ Isthemio, vel Esthemio, vel Esthemio in nostra versione appellatur, civitas Sacerdotalis in tribu Juda, Jos. 21. & 1 Paral. 6. nisi malis (quod ego potius suspicor è voce etiam aliquantulum corrupta apud Eusebium) esse illam quæ Jos. 15. v. 27. in nostro textu dicitur Halsemon. IDEM.

6. Historiam quam hic tangit habes 1 Reg. 30. & urbis hujus nomen ibidem v. 30. Ubi autem ea urbs fuerit, cum alibi nusquam ejus nomen prodatur, obscurum est; pronum est tamen suspicari fuisse in tribu Juda, vel Simeonis, cum pleraque eorum locorum, quæ ibi commemorantur, in eisdem tribubus fuerint, suspicorque eam urbem esse, quæ Jos. 19. v. 7. unius elementi mutatione in tribu Simeonis dicitur Athar, nam & utrobique Asan urbi alteri conjungitur. IDEM.

7. Corrupta est vox hæc, uti & Judicis nomen: hic enim Judex, Judic. 12. v. 11. appellatur in versione nostra Abialon, in Hebræo E-lon, apud Septuaginta Elom vel Elon: urbs autem in qua & mortuus & sepultus fuit in tribu Zabulon, non exprimitur ibidem v. 12. in nostro textu; at diserte exprimitur in Hebræo, Chaldæo & Septuaginta Interpretibus: in Hebræo quidem אֵילֹן Aialon appellatur; in Chaldæica paraphrasi אֵילֹן Elon, sic ut à Judicis proprio nomine urbis nomen in ea non distinguatur: apud Interpretes Septuaginta diversimodè in variis codicibus, Elim, Elim, Elom, pro quo hic valde corruptè legitur Athalim. IDEM.

8. Ενδὲ τῶν ἀρχόντων] Rectè omisit hæc verba Hieronymus, nam 1 Reg. 14. ubi ἀρχόντες illi, seu præfecti Salomonis memorantur, nulla hujus urbis mentio, sed tantum Cap. ix. 15. ubi instaurata à Salomone dicitur. CLERICUS.

9. Ὑπὲρ τὴν Σοδομίτην] Credo ὑπὲρ τὴν Σοδομίτην legendum. BONFRERIUS. 9. Ὑπὲρ τὴν Σοδομίτην] Observavimus jam Quæst. Hieronymianâ III. §. 15, 16. legendum esse ὑπὲρ τὴν Σοδομίτην, supra terram Sodomitidem, hoc est; ad ejus septemtriones. In sequentibus, pro Βαλανίτιδος, legendum Βατανίτιδος. Vide vocem Basan. CLERICUS.

1. Ego